

Na osnovu člana 15. Zakona o principima lokalne samouprave u Federaciji Bosne i Hercegovine („Službene novine Federacije Bosne i Hercegovine“, broj: 49/06 i 51/09), člana 71, 124. i 125. Statuta Općine Vogošća („Službene novine Kantona Sarajevo“, broj: 27/14 – Prečišćen tekst, 14/15, 9/20 i 23/24), Pravilnika o ostvarivanju prava na jednokratnu novčanu pomoć oboljelim od celijakije Općine Vogošća, broj: 09-31-1240/25 od 13.06.2025.godine, Odluke o izvršavanju Budžeta Općine Vogošća za 2025. godinu („Službene novine Kantona Sarajevo“, broj: 1/25), tačke 20. Smjernica o minimalnim standardima dodjele budžetskih sredstava putem transfera i subvencija u Federaciji Bosne i Hercegovine („Službene novine Federacije BiH“, broj: 37/24) i Odluke Općinskog načelnika o načinu primjene smjernica o minimalnim standardima dodjele budžetskih sredstava putem transfera i subvencija u Federaciji Bosne i Hercegovine, broj: 02-02-575/25 od 15.04.2025. godine, Općinski načelnik Općine Vogošća, objavljuje:

JAVNI POZIV za dodjelu jednokratne novčane pomoći oboljelim od celijakije

I – PREDMET JAVNOG POZIVA

Predmet Javnog poziva je dodjela jednokratne novčane pomoći oboljelim od celijakije. Pomoć će biti dodijeljena u skladu sa raspoloživim sredstvima u Budžetu Općine Vogošća za 2025. godinu, shodno podnesenim zahtjevima.

II – FINANSIJSKA SREDSTVA

Finansijska sredstva za dodjelu jednokratne novčane pomoći oboljelim od celijakije raspoređivat će se u skladu sa Pravilnikom o ostvarivanju prava na jednokratnu novčanu pomoć oboljelim od celijakije Općine Vogošća, sa budžetske pozicije:

- 614239 – pomoć oboljelim od celijakije;

Ukupan iznos planiranih sredstava u Budžetu Općine Vogošća za 2025. godinu iznosi 10.000,00 KM. Visina iznosa jednokratne novčane pomoći je utvrđena Pravilnikom.

III – PRAVO NA DODJELU JEDNOKRATNE NOVČANE POMOĆI

Pravo na dodjelu jednokratne novčane pomoći oboljelim od celijakije, korisnici mogu ostvariti jednom u toku kalendarske godine u iznosu uz ispunjavanje propisanih uslova.

IV – USLOVI ZA OSTVARIVANJE PRAVA

Uslovi za ostvarivanje prava na jednokratnu novčanu pomoć licima oboljelim od celijakije na osnovu Pravilnika o ostvarivanju prava na jednokratnu novčanu pomoć oboljelim od celijakije su:

- (1) da je lice državljanin Bosne i Hercegovine;
- (2) da lice ima prijavljeno prebivalište na području općine Vogošća najmanje 1 (jednu) godinu neposredno prije podnošenja zahtjeva na javni poziv.

V – POTREBNA DOKUMENTACIJA

Prilikom prijave na ovaj Javni poziv potrebno je da podnosioci zahtjeva prilože sljedeću dokumentaciju u originalu ili ovjerenoj fotokopiji:

- 1) čitko popunjen i potpisan propisani obrazac zahtjeva, koji je sastavni dio ovog Javnog poziva;
- 2) izvod iz matične knjige rođenih;
- 3) uvjerenje o državljanstvu za podnosioca zahtjeva (ne starije od 6 mjeseci);
- 4) uvjerenje o kretanju – prebivalištu (ne starije od 3 mjeseca);
- 5) nalaz izdat od strane zdravstvene javne ustanove iz kojih je vidljivo da podnosilac zahtjeva boluje od celijakije (ne stariji od 3 mjeseca);
- 6) potvrda banke o otvorenom tekućem računu na ime podnosioca zahtjeva.

VI – POSTUPAK DODJELE JEDNOKRATNE NOVČANE POMOĆI

- 1) Nakon provedenog postupka utvrđivanja ispunjavanja svih propisanih uslova, Općinski načelnik, putem nadležne Službe, donosi Rješenje o ostvarivanju prava na jednokratnu novčanu pomoć za lice koji je ispunilo sve propisane uslove u skladu sa Pravilnikom o ostvarivanju prava na jednokratnu novčanu pomoć oboljelim od celijakije i ovim Javnim pozivom.
- 2) Na osnovu Zaključka o ostvarivanju prava na jednokratnu novčanu pomoć lice ostvaruje pravo na direktnu uplatu dodijeljenih sredstava iz Budžeta Općine za tekuću kalendarsku godinu.
- 3) Zahtjevi koji ne ispunjavaju uslove za dodjelu novčanih sredstava, kao i zahtjeve podnesene nakon utroška planiranih budžetskih sredstava predviđenih za jednokratnu novčanu pomoć licima oboljelim od celijakije, odbijaju se Zaključkom Općinskog načelnika putem nadležne Službe.
- 4) Protiv Zaključka o nepriznavanju prava na jednokratnu novčanu pomoć može se izjaviti žalba Drugostepenoj stručnoj komisiji Općinskog vijeća u roku od 15 dana od dana prijema Zaključka.

VII – POSTUPAK PODNOŠENJA ZAHTJEVA

Zahtjeve sa dokumentacijom traženom ovim Javnim pozivom podnose se direktno na protokol Općine Vogošća ili putem pošte na adresu:


OPĆINA VOGOŠĆA
Služba za boračko-invalidsku i socijalnu zaštitu
Ulica Jošanička broj 80
71320 Vogošća
sa naznakom: „Prijava na Javni poziv za dodjelu jednokratne novčane pomoći
oboljelim od celijakije“

Javni poziv ostaje otvoren do kraja tekuće kalendarske godine, odnosno do 31.12.2025. godine odnosno do utroška planiranih budžetskih sredstava.

Sve dodatne informacije vezane za Javni poziv mogu se dobiti svakim radnim danom, pozivom na brojeve telefona 033/586-470 ili 033/586-471 ili direktno u prostorijama Službe za boračko-invalidsku i socijalnu zaštitu (II sprat, kancelarija broj 40 i 42).

Nepotpuna i neblagovremena dokumentacija neće se uzimati u razmatranje.

Broj: 09-31-1240/25
Vogošća, 20.06.2026.godine


OPĆINSKI NAČELNIK

Migdad Hasanović